

中臺秉憲坊 王世揚

亞卿坊少司馬坊 馬顯

督鹽政坊 馬呈書

方伯坊 郝珩

御史坊 馬明謨

進士坊二 馬快馬顯
以上舊志

邯鄲縣

邯鄲宮在縣西北里許 大清一統志 為趙王如意所建 輿地要覽

光武破王郎居邯鄲宮晝臥溫明殿即此 資治通鑑 北齊武

平七年嘗營治之 北齊書 元王暉邯鄲懷古詩黃梁短夢不須驚滿目紅塵過趙城獨上

荒臺重惻愴野花無處認溫明明張一舉詩古隄楊柳拂春風中有荒臺是故宮啼鳥似知千載恨逐人飛過短牆東

叢臺在城東北

大清一統志

高后元年趙王宮叢臺災

前漢書

連聚非一故名叢臺

漢書顏師古注

世祖拔邯鄲與馬武登叢

臺

後漢書

六國時趙王之臺也劉劭趙都賦曰結雲閣於

南宇立叢臺於少陽今遺基舊墉尙在

水經注

叢臺在邯

鄲縣城內東北隅

元和郡縣志

明嘉靖十三年兵備副使楊

彝建據勝亭於臺上

國朝康熙十六年復修爲遊觀勝地

畿輔通志

乾隆十五年

知縣懷蔭布增修同治二年知縣英榮四年知縣侯國

鈞相繼重修

縣志稿

唐李遠聽客話叢臺詩有客新

邊去樹繞漳河地裏來絃管變成山鳥弄綺羅留作野
花開金輿王輦無消息風雨惟知長綠苔宋賀鑄詩
累土三百尺流光二千年人生物數不相待摧頽故址
秋風前武靈舊隴今安在禿樹無陰因樵採玉簫金鏡
未銷沉幾見耕夫到城賣君不聞叢臺全盛時綺羅城
市遊春暉一從珂輦閉荒草蕭散行雲無復歸招魂想
像風流在晴華露蔓猶依稀縈紆棘逕撩人衣禾黍晚
成貍貉肥層簷碧瓦碎平地夢作鴛鴦相伴飛登臨弔
古將語誰城郭人民今是非指君看取故時物南有清
流西翠微徬徨華表不忍去豈獨遼東丁令威金趙
秉文賦歲辛亥之孟冬兮余解印而南歸覽全趙之形
勝兮弔荒臺之故基太行車走以南來兮漳水改道而
東馳伊川谷之變易兮矧人事之推移獨巋然其凌空
兮噫神物之所護持問父老以陳迹兮猶有雙塔野花
之詩也噫七龍擾擾虎戰以龍爭兮譬事勢於連雞或
爭桑於延敵兮有以酒薄而召圍朝膏血於秦漢之草
野兮夕暴骨於齊魏之沙陲翫生靈於刀几兮決一旦
之雄雌得地不足以贖民之命兮忍勞民而築斯方主

父變服而事威武兮固一旦之雄才收中山林胡爲未
厭兮又窺秦室之狼豺歸來置酒延眺八極兮俯不見
蕭牆之孕災嗟翟犬之夢兆兮讖百年之厲階何若華
之新寵兮晏酖毒之孔懷厭離宮別館之湫溢兮起高
臺之崔嵬笑章華制度之狹陋兮又況采椽與茅階輦
路縈紆以雲疏閣道行空而飲覓奏金石於雲端兮悅
釣天之夢迴下仰望而不聞兮微風過而聲哀金輿玉
輦君王來其間兮左趙女而右吳娃朝琴夜筑爲王歌
舞兮樂未極而哀隨探雀殼於離宮兮豈憶熊膳與豹
胎痛父子斃於一朝兮人亦念骨肉之瘡痍也古往今
來日東月西驚歲華之跳丸悼興亡之弈棋歎趙國之
城郭兮變都成邑而變骨成灰慨平原之池館兮高者
榛邱下者荒陂狐兔穴於邱陵兮草木深於宮闈地荒
莽而獸伏兮天莽蒼而鳥馳沈顧寂聽心傷思摧但聞
蕭條之聲非竹非絲迫而聽之乃在乎羽蟲之摩軋與
眾竅之噓吹也嗚呼臺向時之臺也山川花鳥亦向時
之山川花鳥也山川花鳥不知此臺之興廢而臺亦安
能知人之悲歡而人自悲之然則靚妝炫服臺非以爲
榮也而荒榛斷址臺又奚以辱爲然而文王之靈臺燕
昭之黃金當時稱賢者之樂後世爲美談之資而是臺

也蒙亡國之恥興山木之歌亦臺之不幸而強嗤且夫
今日之悲昔日之樂也騷人懷之而賦詠行客過之而
歔歔嗟嗟舊物之都盡獨天留今此臺閱千秋兮萬古作
龜鑑乎方來意者使一日之樂易萬世之譏也而臺亦
何負於後哉可弔而不哈也亂曰洪波之臺傷周舍於
既死兮後世之君不能起廉頗於未衰干將之劍忍能
誅忠魂於李牧兮不能斷讒舌於郭開繫梁棟兮既折
噫大厦兮將頽非一臺之足悲國無人兮吁可悲元
好問詩富貴榮華一歎嗟依然夢裏說荅花千年幾度
山河改空指叢臺是趙家元陳孚詩數點寒峰擁翠
嵐叢臺日落見漳南火枯襄子殘銅斗土蝕平原舊王
簪宮閉沙邱空有雀兵吞函谷已如蠶回仙逆旅今存
否世上黃梁夢正酣明金貴詩臺上秋月明臺邊秋
水發不見趙宮人當筵弄秋月白南金詩叢臺一一
邯鄲起趙武靈王宮在此天橋雪洞倚雲霄粧閣名花
照羅綺臺上絃歌醉美人臺下橐韃耀武士深宮行樂
日驕奢甯知風雨摧朝夕自從變服霸中原探穀沙邱
竟餓死廢閣崩橋不計年叢臺此日猶遺址荅榮委謝
想容顏草色淒涼埋劍履臺下飛禽臺上啼繁華一旦
隨流水寄語邯鄲遊俠子悲歌感慨徒爲爾君不見平

原君食客三千亦已矣王世貞叢臺行邯鄲叢臺已
非舊請說邯鄲舊時有吳家倩女茗乍榮和氏連城月
初剖臺下奏伎邯鄲姬臺下拔刃邯鄲兒銜將恩去身
俱賤報得讐來主不知君莫謂平原好公子三千去復
應無幾堂中客傍信陵門軍前士死長平壘叢臺不盡
更檀臺回首豪華安在哉自是魯連東海蹈千秋白石
聳蓬萊楊彝據勝亭記據勝何名名叢臺也叢臺何
據據城勝也名不叢臺何鑑亡國也臺故趙武靈王遊
樂之所世傳在趙宮中有雪洞天橋花苑粧閣諸景世
變臺圯頽然荒邱過者興歎有國家者宜鑒於茲甲午
春季几川子飭兵趙地閱城邯鄲至東北隅度臺距城
不尋丈巍然出城表乃大驚曰視生處高相隆無登言
擇勢也天時不如地利言據險也高臺迫城敵或我乘
仰面受敵邑其殆哉臺昔禍趙今將禍我矣乃屬屬吏
王丞景鳩工課程築土環城隅南以北胥連城雉堞如
式民日子來旬月告舉景進曰必戍樓乃可守几川子
曰亭費省其亭之景悉心營構合且完以馬政入都請
改命新簿呂彬畢厥美焉厥歲秋几川子再登落其成
也乃勞眾曰據茲勝構茲亭邑承賴哉不穀責也爾承
爾簿爾徒勞厥役哉其以據勝區之司教楊瑄張元傑

者歷階請曰臺名古矣大夫載易據勝設險保民善哉
貽厥嘉謀必勒珉以昭永世司土者其有勸經廢理敝
日省月試俾勿壞几川子從之於戲臺固游樂地趙荒
之而後武安君之間入馬服君之子將國用以亡時有
相如頗牧樂毅諸賢不能禁苟移其崇臺者而崇諸君
子則秦不能兼漢不能燬趙雖至今存可也我安得亭
之千古而下悲趙惜趙者樂毅一書焉耳不信仁賢則
國空虛臺何有哉是故藉臺而城徵亡而存頗牧樂毅
諸賢復起不能易矣今而後職厥土者新厥臺臨厥亭
者輯厥衆用戒不虞保厥畿輔人和地利胥恃永固不
穀豈直崇觀美爾哉故述其槩以告几川子何蜀人楊
彝也國朝劉佑詩突兀荒岡徧草萊行人猶爲武靈
哀金輿翠輦歸何處山色河聲依舊來龍戰幾年驚趙
壁馬嘶此日繞叢臺休悲探轂沙邛事挾瑟憑高醉不
回張養奎賦登彼高臺俯仰悠哉天空地闊水去山
迴情與古遇恨逐時來雄風宛在霸業成灰人生行樂
逝者堪哀於是憑欄獨往慨然遐想七雄並出武靈無
兩智略沉雄風流忼爽力變華夏之服拓地雲中兼攻
騎射之長通道上黨疾馳出塞折酋虜以鞭箠僞使入
關玩秦人於股掌爾乃功名既盛土木繁興天橋琢玉

雪洞鏤冰窮工極巧殫技搜能勢楣叢集斯臺以稱彷彿吳宮花驕柳寵依稀楚峽雨鬱雲蒸上出重霄擬鳳凰之雙集下臨無地陋鸛鵲之一層當夫皓月澄秋輕風送夏雪滿前山花開別樹馬號騰黃輦稱照夜洵有情兮環而侍者緬樂事以賞心乃登高而自下開瑄席今瓊筵倒金樽兮玉笋選妙妓兮輕謳吐芳蘭兮奇麝玲瓏寶瑟音傳漳淦之濱突兀糟邱味出邯鄲之醪照眉池上子之清揚袷服市中客甚都雅此固富貴之驕淫抑亦英雄之寄借者也無何沙邱難作事急蒼皇官門晝閉探轂親嘗望美人兮不見思愛子兮何方施總帷兮銅雀折金莖兮柏梁離宮寂寞別殿淒涼瑤階就圯璇室其荒秋露冷冷兮蟬鳴古樹春雲漠漠兮草蔓斜陽他若相如同車之巷望諸舞劍之房馬服讀書之室羅敷鼓瑟之桑亦皆煙飛雲逝羽化風翔苟撫今而追昔曷勝乎日擊而心傷然而堯階舜館禹殿湯宮周秦勝蹟漢魏遺踪千秋盛德一代奇功蕩爲泉壤蔓爲蒿蓬狐營爲郡兔翦爲封松耶柏耶半歸樵牧歌者泣者莫辨西東蓋所在而皆然又何悼乎此公酒酌荒陵猶係趙州之士策繙戰國爭誇主父之雄詎不可以破涕爲笑而一盪乎心胸也哉辭曰維彼叢臺兮武靈舊

遊城陰架屋兮碑版千秋感深銅狄兮樂去爽鳩俯仰
身世兮歲月如流何以不朽兮在厥靈修張慎發紀
事余昔家居懷古嘗考宋人北轅錄云邯鄲有叢臺世
傳趙武靈王所築其西北有照眉池皆趙宮人遊玩之
地按漢書高后元年書趙叢臺火周書靜帝詔美隋王
功稱叢臺以北易水以南云云夫以一臺之微乃至勞
史筆動詔書則叢臺者豈非天下絕勝之境哉逮余謁
選都門走邯鄲道邸中問及叢臺勝地里人輒與黃梁
並稱時未暇登眺迨歲之己酉適分符作邯鄲宰閱城
觀所爲叢臺者顧僅區區一坏土耳規模雖存傾圯殊
甚令人不堪俛仰因歎曰是固天下絕勝之境也而今
且何如一日覽邑志知叢臺本在城東北明嘉靖間會
薊盜起兵備楊公彝慮其逼城爲害乃築甬道與城相
連臺上建據勝亭三間自爲記勒石丙午前尹董威修
城並及叢臺內剗出金人詩二石下又得井一幹丁巳
前尹向淇於臺下建書院一所後兵備陳公從風水家
言改建臺上自茲而後前尹朱光祚歐陽調律相繼重
修代有匾額仕宦往來歌咏佳句頗多或載在木簡或
勒之貞珉不猶然天下絕勝之境哉乃遲久至今而風
雨漸摧物力銷毀向之所謂絕勝者不能不胥就頽沒

矣余時輒殷殷有修理志顧力未逮也越三載歲在辛亥春三月始鳩工起事由下而上先門樓次甬道次照壁大廳據勝亭摩雲閣廚房月臺上下門房牆壁以漸就理盡起其敝者而維新之舉從前匾額具存者仍與繪之懸之詩歌之在石者仍與砌之壁上且前代修姓名仍與大書並紀以示不掩人善之義比臺成計四月有餘總之天下絕勝之境原不可廢惟在後之人爲天下增美之俾永作大觀庶古人有美蹟不至自我而墜也余於此役豈曰好事云乎哉張煥然記略邑叢臺武靈舊遊處距今二千餘年風雨傾頽代有修飾其雪洞天橋諸景久無所攷乾隆庚午邑侯懷公蔭布建行宮其上修亭二中亭卽明兵備楊公所建據勝亭簷牙高啄金碧交輝左爲御筆留題碑亭四週曲闌迴護城臺相接甬道間有神祠廚舍守臺舍皆粉壁丹牆雕闌畫棟其匾額題聯遊人歌詠或載木簡或勒貞珉者不可枚舉登眺時西接紫山與太行一脈蜿蜒無際東臨淦水帆檣相望欵乃時聞誠一邑之勝境也道光甲申夏遭回祿之災僅餘數椽後復地震臺榭遂成瓦礫矣歷任邑侯每欲修葺皆以費鉅中止同治癸亥秋長白英公榮以名孝廉宰吾邑時值東匪滋擾急完

守備修城之役並及叢臺首神祠爲民祈福也次臺垣
欲民易守也乃工未竣以憂去繼任侯公國鈞重整一
亭卽以黃鰲輟工居民惆悵僉謂勝境之不易復也不
數年間英公復宰吾邑甫下車卽籌資以次續修壯麗
雖不及前大略亦可觀矣余世居臺右盛
衰曾所目擊因誌顛末以備後人考核云

案漢高后時趙王宮叢臺災不應在今之城東北隅

名勝志云趙武靈王所築叢臺上有雪洞天橋諸景

據此則今之叢臺後人所改建非趙宮故址也

洪波臺在縣東南

大清一統志

周舍死後簡子與諸大夫飲

於洪波臺酒酣泣曰吾聞千羊之皮不如一狐之腋眾

人之唯唯不如周舍之諤諤

韓詩外傳

邯鄲有洪波臺

漢書郡國

志在縣東南三十里洪波城村屬肥鄉縣界

志

畿輔通志

唐李

古蹟

署宅

三

白登洪波臺置酒觀兵詩我把兩赤羽來遊燕趙聞天
狼正可射感激無時閑觀兵洪波臺倚劍望玉關請纓
不繫越且向燕然山風引龍虎旗歌鐘昔追攀擊
筑落高月投壺破愁顏遙知百戰勝定掃鬼方還

案元和志洪波臺在邯鄲縣西北五里寰宇記在縣
西三里攷疆域圖邯鄲東至肥鄉縣界三十里東南
至成安縣界四十里據此則洪波臺在邯鄲縣境內
通志謂屬肥鄉失攷

穀臺在縣東北二里相傳趙築叢臺餘土積此

通志 畿輔

樂毅宅在縣東二十里樂家堡又有劍池世傳樂毅自
燕奔趙居此嘗於池邊磨劍至今其石尙在因名其地

爲樂家堡

同上

藺相如宅在縣西二十里今其地名藺家河

同上

迴車巷在縣西南相傳藺相如引車避廉頗於此

同上
盧

雲龍迴車巷詩國事艱危日君心屬望初抗秦堪奮劍
全趙且迴車虎鬪誰爭長鷹揚計未疏列侯多策士誰
更似相如唐曜迴車巷詩憶昔經燕趙迴車巷屢過
古人皆寂寞揮淚灑漳波沙蹟風霜古關河羽檄多九
泉如可作吾欲起廉頗竇克勤詩能叱秦王暴方回
趙相車若非操勝算社稷懼邱墟一避國威壯將軍
亦負荆強隣雖虎視不敢數加兵金德嘉詩矯矯藺
相如桓桓禦秦寇完璧出潼關以身殿其後折衝樽俎
間鼎鑊亦可就豈愛十五城義不受秦垢人臣急公家
精誠塞宇宙異哉廉將軍纖纖為私鬪應之以謙冲交
驩若婚媾嗚呼迴車人高風邈難邁

劉言史故居在縣境唐劉言史工詩歌知名於時從王

武俊獵於野攷其絕句有云舊業叢臺廢苑東可憑弔

詩人之居矣

同上唐孟郊哭劉言史詩詩人業孤峭

異劉言史詩腸傾珠河取次抱置之飛過東溟波可惜大國謠飄為四夷歌常於眾中會顏色兩切磋今日果成死葬襄之洛河洛岸遠相弔灑淚雙滂沱

劉秉忠隱室在縣西北三十里紫山山上兩塔對峙相

傳秉忠所建

同上

古驛亭在縣西南

同上唐白居易詩邯鄲驛裏逢冬

坐還應說著遠行人

明薛惠詩門對采恩靜城臨睥

睨斜愁人倚高閣清夜動悲笳月暗雲生葉風寒露作

花徘徊望牛斗

髣髴辨京華

察院行署在縣治東北今廢

縣志

大僕寺行署在察院左今廢

同上

府館在縣治西南今廢

同上

縣丞廨在縣署右今裁改

舊志

主簿宅在縣署右今裁廢

同上

遞運所在縣治西北今裁廢

同上

地官上卿坊節制四省坊諫議坊大司馬坊

張國彥

宮保尙書坊

張我續

父子科甲坊

郭宗賢
郭嘉鎮

天官大夫坊

郝大猷

都憲坊

賈銓

恩褒三世坊

張滕妻趙氏
張繡妻李氏
鄭氏

父子進士坊

張國彥
張我續

孝友世家坊

張國彥
張我繩
俱同上

成安縣

兔臺在縣南

舊志

趙敬侯四年魏敗我兔臺正義曰兔臺

在河北

史記

成安縣有兔臺

一

大清
統志

鳳凰臺在縣北五里

舊志

有鳳凰集其上

名勝志

明萬曆三

十二年知縣劉永脈重築

畿輔
通志

國朝雍正十一年知縣趙元祚再築光緒七年紳民捐募

重修

縣冊

唐呂岩西江月題鳳凰臺詩日落烏啼人

靜風催滿面松花道人邀我煮新茶蕩滌胸中瀟

灑世事不堪回首夢魂猶繞天涯鳳凰臺畔即吾家管

甚明朝今夜明劉永脈重築鳳凰臺記成安縣城北

五里許有鳳凰臺父老相傳唐開元七年純陽呂仙師
西適邯鄲曾憩息於此自題西江月詞一首而去迨今
千有餘年文士墨卿騷人遊客登其臺頌其詞飄飄然
輒起雲霞之思焉萬歷辛丑余來牧茲土披閱舊章每
欲登眺其地以狎玩仙蹤將彷彿乎靈鳥之鳴聞雖喑
而洋洋自得也第風塵奔走簿書拮据三載因循未得
一償夙願適纂修邑乘博采今昔始攬轡蹤迹之至則
臺已傾圯僅餘一小邱高不盈尺鞠為茂草因躊躇慨
歎者久之及今不一修葺恐日浸月削則千載靈臺或
不免同廢圃頽垣共消歇於荒煙野露風塵雨夕之餘
非所以存古也遂督密邇居民各具筐鏤偕力以崇斯
臺仍將仙筆題詞併邑人屬和者勒置左方以志景慕
山一簣而十仞惟後賢是望吳維東詩青蛇飛吟黃
鶴舞煙霞客坐江湖主江邊湖上雨高樓濡殺秦皇與
漢武斥邯鄲城北古土堆何人喚應鳳凰臺何緣也枉回
翁駕應向邯鄲道上來落月啼鳥似昔時新茶誰煮復
邀誰蓬萊多少神仙
豕問取通眉長爪兒

寇公廳在縣治宋寇萊公準知咸安時與民期會賦役